



Broj: 01-45-624/26
Datum: 23.3.2026. godine

Federalni zavod za zapošljavanje u skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom zapošljavanja u Federaciji BiH 2023-2030 („Službene novine Federacije BiH“, broj: 94/23), Strategijom jačanja funkcije posredovanja u javnim službama za zapošljavanje u Federaciji BiH i Programom „Obuka i rad kod poznatog poslodavca 2026“, o b j a v l j u j e

**JAVNI POZIV
za učešće poslodavaca u realizaciji
Programa „Obuka i rad kod poznatog poslodavca 2026“**

I DATUM OTVARANJA POZIVA

Poziv je otvoren od 23.3.2026. godine.

Javni poziv ostaje otvoren do utroška sredstava, a najdalje do 16.11.2026. godine

II CILJ I OPIS PROGRAMA

Program se realizira s ciljem povećanja konkurentnosti na tržištu rada za najmanje 350 nezaposlenih osoba kroz obuku kod poznatog poslodavca, kao i obezbjeđivanje prilike za njihovo zapošljavanje na period od 6, 12, 18 ili 24 mjeseca nakon okončanja obuke.

Program se sastoji od 4 varijante (A, B, C i D) koje se razlikuju prema dužini sufinansiranja zapošljavanja. Poslodavac koji učestvuje u Programu obavezan je zadržati u radnom odnosu najmanje 60% nezaposlenih osoba nakon završetka obuke, u skladu s odabranom varijantom Programa.

III IZNOS RASPOLOŽIVIH SREDSTAVA

Za realizaciju Programa predviđena su sredstva u iznosu od 5.000.000 KM, u skladu sa Finansijskim planom Federalnog zavoda za 2026.godinu i procjenom za 2027. i 2028. godinu.

IV PRAVO UČEŠĆA

Pravo učešća u javnom pozivu imaju **poslodavci** sa najmanje jednom (1) zaposlenom osobom, registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu učestvovati:

- državne institucije, javne ustanove i druge organizacije, čiji osnivač ili suosnivač je Bosna i Hercegovina, Federacija BiH, kanton, općina i grad;
- poslodavci koji ne izmiruju redovno obaveze po osnovu poreza i doprinosa, ili koji nemaju potpisan sporazum sa Poreznom upravom Federacije BiH o izmirenju duga po osnovu doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

Poslodavcu se neće sufinancirati obuka i zapošljavanje nezaposlenih osoba koje su kod njega bile zaposlene u posljednjih 48 mjeseci prije objave Javnog poziva.

V PRIJAVA NA JAVNI POZIV

Registracija poslodavca na službenoj web stranici Federalnog zavoda za zapošljavanje www.fzzz.ba je preduvjet za učešće u Programu i treba se izvršiti prije prijave na javni poziv. Već registrirani poslodavci dužni su provjeriti ažurnost svojih podataka.

Uz obrazac (OR-2026) - Zahtjev za prijavu na javni poziv potrebno je priložiti sljedeću dokumentaciju:

1. program i specifikaciju troškova obuke (obrazac OPT – 2026);
2. odluku o imenovanju i biografiju mentora;
3. potvrdu banke o glavnom računu poslodavca;
4. uvjerenje Porezne uprave Federacije BiH o izmirenim porezima i doprinosima, ne starije od mjesec dana od dana podnošenja prijave, ili Sporazum s Poreznom upravom Federacije BiH o izmirenju duga po osnovu poreza i doprinosa;
5. ovjerenu izjavu o poštivanju propisa koji uređuju oblast rada i zaštite na radu u Federaciji BiH.

Zahtjev za prijavu na javni poziv (OR – 2026) i ostali obrasci mogu se preuzeti na stranici www.fzzz.ba i stranicama kantonalnih službi za zapošljavanje.

Službe za zapošljavanje po zahtjevu poslodavca obezbjeđuju uslugu izbora polaznika obuke.

Dokumentacija prijave na javni poziv se dostavlja na adresu:

Federalni zavod za zapošljavanje

Đoke Mazalića 3
71 000 Sarajevo

Sa naznakom:

„Prijava na javni poziv po Programu ‘Obuka i rad kod poznatog poslodavca 2026.’.

VI OBRADA ZAHTJEVA

Zavod formira komisiju za provjeru kvalificiranosti poslodavaca i obavještava poslodavce o ispunjavanju ili neispunjavanju uvjeta za učešće u Programu. Prije početka rada, članovi komisije dužni su potpisati izjavu o nepristranosti i povjerljivosti, te nepostojanju sukoba

interesa. Svaki član komisije biće isključen iz procesa provjere kvalificiranosti poslodavaca za učešće u Programu, ukoliko se utvrdi da je u sukobu interesa sa podnosiocem prijave. Poslodavci koji su nezadovoljni rezultatima prijave na javni poziv ili imaju sumnju na postojanje sukoba interesa imaju pravo uložiti prigovor u roku od osam (8) dana od dana obavijesti o rezultatima prijave na javni poziv. Prigovor se podnosi Zavodu u pisanoj formi.

Poslodavcima koji su ispunili uvjete za učešće u Programu, dostavlja se obavijest sa prijedlogom ugovora o sufinansiranju po Programu, potrebni obrasci (O1 i UG1) i dalja uputa. U roku od 30 dana po zaprimanju obavijesti, poslodavac dostavlja Zavodu potpisane ugovore o sufinansiranju i dokumentaciju propisanu Programom. Nakon izvršene provjere validnosti dokumentacije Zavod potpisuje ugovor i jedan primjerak dostavlja poslodavcu.

VII OPŠTE NAPOMENE

Dodatne informacije o uslovima i načinu učešća u Programu dostupne su na službenoj web stranici Federalnog zavoda za zapošljavanje www.fzzz.ba (Aktuelni projekti) i kantonalnih službi za zapošljavanje.

E-mail: info@fzzz.ba ; Kontakt telefoni u Zavodu: 033/ 562-927; 033/ 562-954.

Sastavni dio Javnog poziva čine:

1. Program „Obuka i rad kod poznatog poslodavca 2026“;
2. Uputstvo za prijavu i realizaciju Programa;
3. Zahtjev za učešće u Programu (OR-2026);
4. Program obuke i specifikacija troškova obuke (OPT – 2026).